

Boissard, Jan Jacques

Habitus Variarum Orbis gentium. Habitz de Nations estrages. Trachten mancherley Völcker des Erdskreysz

Mecheln (Caspar Rutz) 1581

Caspar Rutz vonn Mecheln.

zu dem Leser

Nachdem heytiger Tag, vil, und mancherley Bücher beschrieben, auch zu Kupffer gestechen werden, welche der Landtschafften, unnd Städt gelegenheit unnd underscheid, von einer, zu der andern, denjenigen fürbilden, unnd zu erkennen geben, welliche auß denn Carttis, oder Mappen, von einer abgemalten Welt sich berichts erholen, unnd lernen müssen, Gedünckt mich dasselb nit ein geringe, sonder notwendige nutzbare arbeit sein, legen und bringen es auch dermassen ins werck, das es verstentlich, unnd nit durchauß, sich mühesamlich ansehen last, das nun auß dem ervolgt (das in den Carttis, der Landtschafften, gemeinlich wirt einverleibt, der Oceanus, das Meer allerley art fremder Fisch, Schiff wie auch die Gebürg, und gehültz, mit underscheidtlichen Zwey, unnd vierfüssigen Thieren, die den Augen, unnd gesicht alles fürstellen.) Wann denn Menschen, dem alle ding zu notturfft, unnd lust erschaffen sein, mit seiner selbst Kleidung, unnd dracht fürbilden, wie ein jedes Landt, unnd Provintz, die zu tragen im gebrauch, darbey, unnd durch die Kleidung, die gemütter, unnd sitten, gemeinlich abgenommen werden, unnd leichtlich zuerkennen ist, nit alleyn der Landtschafften gegent, unnd underscheid, sonder auch von den inwhonern, unnd Völckren, so die rechte ubung, unnd nutzbarkeit, Von besüchung der Länder, Unnd hat meines gedünckens, der gelert, unnd Hochberümbt IOANNES IACOBUS BOISSARDUS, für andern, sonder zierliche, Kunstreiche, schöne Stuck, von underscheid viler Völcker Kleydungen, die am meisten einanderungleich, nach jedes Landts rechten art, unnd leben, fleißiglich, entworffen, unnd abgerissen, und mir in daß Kupffer, denselbigen gleichformig, nach stechen zumachen, Obersant, das ich durch meine, zu derselben Kunst geübte leut, zum arttigsten, und dermassen volbracht, dass verhoffe, dem es für Augen kumpt, daraus lust, unnd liebe schepffen wirdt, So aber jemand von begirde, dergleichen Kleydungen von andern Völckren mehr zusehen, damit willen wir inne, zur unsern ersten Büchern gewiesen haben, inn denen sich nun ein jeder seines gefallens, unnd willens zuerholen hab.

Mit privilegie von seyne Maiestät, Unnd den Cancellier

Von Brabandt für sechs Jaren.

